

(3) Lice koje je prije stupanja na snagu ovog zakona najmanje dva puta imenovano na poziciju direktora škole ne može biti ponovo imenovano za direktora ili vršioca dužnosti direktora u istoj školi.

(4) Lice zatečeno na dužnosti direktora škole na dan stupanja na snagu ovog zakona ostaje na dužnosti do isteka mandata na koji je izabrano, odnosno do razrješenja sa dužnosti direktora.

(5) Postupci imenovanja predsjednika i članova školskog odbora i direktora koji su započeti prije stupanja na snagu ovog zakona, obustavit će se.

#### Član 169.

##### (Zadržavanje prava i obaveze osnivača)

Skupština Kantona zadržava prava i obaveze osnivača prema postojećim školama i domovima učenika, koji imaju status javne ustanove, preuzeta ranijim propisima.

#### Član 170.

##### (Donošenje provedbenih akata)

(1) Skupština Kantona će u roku od jedne godine od dana stupanja na snagu ovog zakona, donijeti Strategiju razvoja srednjeg obrazovanja i odgoja Tuzlanskog kantona (član 12).

(2) Skupština Kantona će u roku od dvije godine od dana stupanja na snagu ovog zakona, donijeti zakon o obrazovanju i obuci odraslih (član 72.).

(3) Vlada Kantona će do početka naredne školske godine, donijeti propise iz članova 27., 115., 117. i 122. ovog zakona.

#### Član 171.

##### (Donošenje provedbenih akata)

(1) Ministarstvo će do početka naredne školske godine donijeti propise iz članova 41. i 74.

(2) Ministarstvo će u roku od godine dana donijeti propise iz članova 8., 67. i 150. stav (2).

(3) Ministar će u roku godine dana, od dana stupanja na snagu ovog zakona, donijeti propise iz članova 8., 15., 17., 20., 50., 53., 54., 63., 65., 71., 72., 74., 80., 83., 87., 88., 89., 90., 92., 98., 104., 119., 125., 130., 134., 140., 149., 153. i 161.

(4) Pedagoški zavod će do početka naredne školske godine donijeti propis iz članova 49. i 79.

(5) Do donošenja propisa iz stavova (1) do (4) ovog člana primjenjivat će se važeći propisi ukoliko nisu u suprotnosti sa ovim zakonom.

(6) Prilikom donošenja podzakonskih akata koji se odnose na prava, obaveze i odgovornosti zaposlenika obavezno je učesće ovlaštenih predstavnika sindikata potpisnika Kolektivnog ugovora za djelatnost srednjeg obrazovanja Tuzlanskog kantona.

#### Član 172.

##### (Prestanak važnosti ranijih propisa)

Stupanjem na snagu ovog zakona prestaje da važi Zakon o srednjem obrazovanju ("Službene novine Tuzlanskog kantona", br. 6/04, 7/05 i 3/08).

#### Član 173.

##### (Stupanje na snagu zakona)

Ovaj zakon stupa na snagu osmog dana od dana objavljivanja u "Službenim novinama Tuzlanskog kantona"

Bosna i Hercegovina	Predsjednik
Federacija Bosne i Hercegovine	Skupštine Tuzlanskog kantona,
<b>TUZLANSKI KANTON</b>	
Skupština	Bajazit Jašarević, v.r.
Broj: 01-02-350-16/11	
Tuzla, 22.12.2011. godine	

Skupština Tuzlanskog kantona, na sjednici održanoj 22.12.2011. godine, d o n o s i

## ZAKON

### O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU

#### Član 1.

U Zakonu o osnovnom odgoju i obrazovanju („Službene novine Tuzlanskog kantona“, br. 6/04 i 7/05), u članu 1. iza stava 1. dodaje se novi stav 2., koji glasi:

„Izrazi koji se u ovom zakonu koriste za lica u muškom rodu su neutralni i odnose se na muška i ženska lica.“

#### Član 2.

U članu 3. u stavu 2. iza alineje 7. dodaju se nove alineje 8. i 9., koje glase:

„... sticanje i razvijanje svijesti o potrebi čuvanja zdravlja i zaštite prirode i čovjekove sredine;

- sticanje osnovnih saznanja i navika lijepog ponašanja i razvijanje sposobnosti i kulture komunikacije;“

Dosadašnje alineje 8. do 10. postaju alineje 10. do 12.

#### Član 3.

U članu 5. stav 4. mijenja se i glasi:

„„Inkluzija“ podrazumijeva sveobuhvatno uključivanje nadarenih i talentovanih učenika i učenika s teškoćama u razvoju, teškoćama u učenju i uopšte teškoćama socijalne integracije u odgojno-obrazovni sistem, svakodnevni život i društvenu stvarnost.“

U istom članu stavovi 7. i 8. mijenjaju se i glase:

„„Agencija za predškolsko, osnovno i srednje obrazovanje BiH“ je samostalna upravna organizacija nadležna za uspostavljanje standarda znanja, ocjenjivanje postignutih rezultata i razvoj zajedničkog jezgra nastavnih planova i programa u predškolskom, osnovnom i srednjem obrazovanju, i za druge stručne poslove u oblasti standarda znanja i ocjenjivanja kvaliteta koji su određeni posebnim zakonima i drugim propisima.

„Izborni predmeti“ su predmeti koje učenici biraju da izučavaju unutar propisane grupe predmeta nastavnog plana i programa iz tri nastavna područja: jezičko-društveno-humanističkog, prirodno-matematičko-tehničkog i umjetničkog područja.“

#### Član 4.

U članu 8. stav 6. mijenja se i glasi:

„U osnovnoj školi u kojoj pripadnici jedne nacionalne manjine čine najmanje jednu trećinu ukupnog broja učenika u školi, samo za pripadnike te manjine se nastava izvodi na jeziku te manjine, uz obavezno savladavanje jezika iz člana 7. ovog zakona.“

U istom članu iza stava 6. dodaje se novi stav 7., koji glasi:

„U osnovnoj školi u kojoj pripadnici jedne nacionalne manjine čine najmanje jednu petinu ukupnog broja učenika u školi se osigurava dodatna nastava o jeziku, književnosti, historiji, geografiji i kulturi manjine kojoj pripadaju, ako to zahtijeva većina roditelja učenika pripadnika te nacionalne manjine.“

Stav 7. postaje stav 8.

#### Član 5.

U članu 12. stavu 3. na kraju teksta ispred riječi „škole“ dodaje se riječ „najbliže“.

#### Član 6.

U članu 20. stavu 4. riječi „nostrifikacija odnosno“ brišu se.

U istom članu u stavu 5. riječi „nostrifikacije i“ brišu se.

#### Član 7.

U članu 21. stavovi 5. i 6. mijenjaju se i glase:

„Osnovna škola je obavezna na vidnom mjestu pri ulazu u školski objekat istaknuti natpisnu ploču koja sadrži naziv i sjedište škole, a natpisna ploča škole čiji je osnivač Skupština Kantona, osim naziva i sjedišta, sadrži i grb Kantona ispisana na oba pisma jezicima konstitutivnih naroda.“

Natpisna ploča osnovne škole čiji je osnivač općina ili dugo pravno ili fizičko lice, osim naziva i sjedišta sadrži i znak osnivača.“

#### Član 8.

U članu 22. u stavu 1. alineji 2., iza riječi „lidere“ dodaju se riječi „vjerska i rasna obilježja“.

#### Član 9.

U članu 28. stavu 1. iza riječi „U tom cilju, osnovna škola,“ dodaju se riječi „promoviše i podržava razvoj građanskih inicijativa kod učenika i“.

#### Član 10.

U članu 30. stav 4. mijenja se i glasi:

„Osnovna škola poštuje slobodu i kreativnost nastavnika da izvode nastavu na način koji obezbjeđuje efikasnost u ostvarivanju planiranih odgojno-obrazovnih ishoda i primjena novih metoda rada u nastavnom procesu.“

U istom članu iza stava 4. dodaje se novi stav 5., koji glasi:

„Osnovna škola kroz samoevaluaciju i eksternu evaluaciju pruža dokaze o efikasnosti rada nastavnika u školi.“

#### Član 11.

U članu 31. iza stava 4. dodaje se novi stav 5., koji glasi:

„Izuzetno, nastavni plan i program za predmet Vjeronauka donosi Ministarstvo, na prijedlog vjerske zajednice.“

U istom članu u stavu 7. iza riječi „trajanje“ dodaju se riječi „izborne i“.

Stavovi 5. do 7. postaju stavovi 6. do 8.

#### Član 12.

U članu 32. stavu 1. ispred riječi „fakultativne“ dodaje se riječ „izborne,“ a iza riječi „dodatne nastave“ dodaju se riječi „i vannastavnih aktivnosti,“.

U istom članu iza stava 1. dodaje se novi stav 2., koji glasi:

„U trećoj trijadi učenici biraju ukupno tri izborna predmeta i to najviše dva iz jednog izbornog područja.“

Stavovi 2. do 4. postaju stavovi 3. do 5.

#### Član 13.

U članu 33. stavu 1. ispred riječi „šest“ dodaje se riječ „najduže“.

#### Član 14.

U članu 34. stav 4. mijenja se i glasi:

„Izuzetno, za učenike od V. do IX. razreda škola može organizovati nastavu u kombinovanim odjeljenjima, ako u osnovnoj školi nema dovoljan broj učenika za organizovanje odjeljenja jednog razreda.“

U istom članu stav 5., briše se.

Stav 6. postaje stav 5.

#### Član 15.

Član 36. mijenja se i glasi:

„Nastava u prvom polugodištu počinje prvog radnog dana u septembru a završava posljednjeg radnog dana u decembru.“

Zimski odmor, u skladu sa školskim kalendarom, za učenike redovne, paralelne i specijalne osnovne škole traje četiri sedmice, a ljetni odmor traje od završetka nastave u drugom polugodištu do početka nastave naredne školske godine.

Izuzetno, ministar može iz opravdanih razloga, za sve ili za pojedinu osnovnu školu, donijeti drugačiju odluku o organizaciji nastave i odmoru učenika (vjerski praznici, vremenske prilike, epidemije i drugo).

Škola organizuje nastavu u petodnevnoj radnoj sedmici.

Škola može, u okviru jedne subote u toku mjeseca, organizovati dodatnu nastavu, dopunsku nastavu, rad sekcija i rad učeničkih organizacija.“

#### Član 16.

U članu 44. stavu 1. iza riječi „studenata“ stavlja se tačka, a preostali dio teksta briše se.

#### Član 17.

U članu 45. stav 1. iza riječi „Ministarstvo“ zarez se zamjenjuje tačkom, a preostali dio teksta briše se.

#### Član 18.

U članu 46. stav 3. mijenja se i glasi:

„Učenici sa lakšim smetnjama i poteškoćama u razvoju upisuju se u redovnu osnovnu školu na osnovu nalaza i mišljenja komisije za procjenu sposobnosti djece pri upisu i rješenja o kategorizaciji djeteta.“

Iza stava 3. dodaju se novi stavovi 4., 5. i 6., koji glase:

„Učenici sa težim smetnjama i poteškoćama u razvoju upisuju se u specijalnu osnovnu školu na osnovu nalaza i mišljenja komisije za procjenu sposobnosti djece pri upisu i rješenja o kategorizaciji djeteta.“

Rješenje o kategorizaciji djeteta iz stavova 3. i 4. donosi komisija o procjeni sposobnosti i određivanju podrške djeci i mladima sa posebnim potrebama, ako posebnim propisom nije drukčije određeno.

Lakše i teže smetnje i poteškoće u razvoju djeteta bliže se uređuju Pedagoškim standardima.“

Stavovi 4. i 5. postaju stavovi 7. i 8.

#### Član 19.

Član 47. mijenja se i glasi:

„Procjenu sposobnosti djece pri upisu u redovnu osnovnu školu obavlja komisija sastavljena od pedagoga ili pedagoga - psihologa i nastavnika razredne nastave.“

Komisija vrši upis uz prethodno pribavljeno ljekarsko uvjerenje izdato od ovlaštene zdravstvene ustanove.

Komisiju iz stava 1. imenuje nastavničko vijeće.

Broj učenika sa posebnim obrazovnim potrebama u odjeljenju redovne osnovne škole utvrđuje se Pedagoškim standardima.“

#### Član 20.

U članu 50. stav 3. mijenja se i glasi:

„Opis posebnih obrazovnih potreba, cilj i opći plan zadovoljenja obrazovnih potreba, utvrđuje škola u saradnji sa roditeljima učenika, a na osnovu nalaza komisije iz člana 49. ovog zakona.“

#### Član 21.

U članu 54. stavu 6. riječi „Agencija za standarde i ocjenjivanje u obrazovanju“ zamjenjuju se riječima „Agencija za predškolsko, osnovno i srednje obrazovanje BiH“.

#### Član 22.

U članu 55. iza stava 5. dodaje se novi stav 6., koji glasi:

„Ocjene iz izbornih predmeta su sastavni dio općeg uspjeha učenika.“

U istom članu stav 8. mijenja se i glasi:

„Zaključne ocjene na kraju drugog polugodišta u paralelnoj školi utvrđuje nastavničko vijeće.“

Stavovi 6. do 9. postaju stavovi 7. do 10.

#### Član 23.

U članu 58. stavu 4. riječi „stava 1.“ zamjenjuju se riječima „stava 3.“

#### Član 24.

U članu 64. ispred stava-1. dodaje se novi stav, koji glasi:

„Nastavničko vijeće škole može osloboditi učenika od pohađanja nastave u sljedećim slučajevima:

- učešće u školskim takmičenjima na svim nivoima;
- učešće na sportskim takmičenjima i kulturno-umjetničkim manifestacijama, a po zahtjevu sportskih klubova, odnosno kulturno-umjetničkih društava;
- u drugim slučajevima predviđenim u godišnjem programu rada škole.“

Stavovi 1. i 2. postaju stavovi 2. i 3.

**Član 25.**

U članu 68. stav 2. mijenja se i glasi:

„Uz svjedodžbu, škola izdaje uvjerenje o završenom V., VI. i VII. razredu osmogodišnjeg osnovnog odgoja i obrazovanja, odnosno VI., VII. i VIII. razredu devetogodišnjeg osnovnog odgoja i obrazovanja, te list profesionalne orijentacije koji je sastavni dio svjedodžbe.“

**Član 26.**

U članu 71. stav 4. mijenja se i glasi:

„Nastavnik razredne i nastavnik predmetne nastave koji izvodi nastavu od I. do IX. razreda mora imati visoku ili višu stručnu spremu nastavničkog smijera ili ekvivalent i položen stručni ispit.“

U istom članu stav 5. briše se.

Stavovi 6. do 8. postaju stavovi 5. do 7.

**Član 27.**

Član 72. mijenja se i glasi:

„Škola kao javna ustanova dužna je vršiti prijem zaposlenika na osnovu javnog konkursa, odnosno oglasa, koji raspisuje Ministarstvo, objavljuje u dnevnom listu i dostavlja Službi za zapošljavanje Tuzlanskog kantona radi isticanja na oglasnoj ploči.

Lica iz stava 1. ovog člana, mogu se primiti u sljedećim slučajevima i bez konkursa u radni odnos:

- na određeno ili neodređeno vrijeme kod preuzimanja zaposlenika koji je ostao djelimično ili u cjelosti bez poslova i radnih zadataka u drugoj školi na području Kantona, na osnovu odluke Komisije za zbrinjavanje zaposlenika za čijim radom je djelimično ili u cjelosti prestala potreba u skladu sa Programom zbrinjavanja;
- na neodređeno vrijeme kod preuzimanja zaposlenika, koji je zasnovao radni odnos na neodređeno vrijeme u drugoj školi na području Kantona, kome je na osnovu mišljenja nadležne zdravstvene ustanove smanjena radna sposobnost a nije ga moguće rasporediti na drugo odgovarajuće radno mjesto u toj školi;
- na određeno vrijeme radi obezbjeđenja stručne zastupljenosti nastave, a do okončanja postupka po raspisanom konkursu, škola može primiti lice koje ispunjava uslove utvrđene ovim zakonom na period ne duži od 90 dana;
- na određeno vrijeme radi zamjene odsutnog zaposlenika škole (bolovanje, neplaćeno odsustvo i slično), može se primiti lice odgovarajućeg profila i stručne spreme do 90 dana;
- na neodređeno vrijeme na osnovu sporazuma škola u kojima su zaposlenici u radnom odnosu na neodređeno vrijeme o prelasku zaposlenika na istim radnim mjestima iz jedne u drugu školu uz saglasnost oba zaposlenika, direktora škola i uz prethodnu saglasnost Ministarstva;
- na neodređeno vrijeme do punog radnog vremena kada se radi o zaposleniku koji u toj školi ima zasnovan radni odnos na neodređeno nepuno radno vrijeme, uz prethodnu saglasnost Ministarstva;
- na neodređeno vrijeme u slučaju prelaska zaposlenika iz jedne u drugu školu na osnovu sporazuma direktora škola i prethodnu saglasnost Ministarstva.

Angažovanjem zaposlenika u radni odnos na neodređeno vrijeme iz stava 2. alineje 1., 2., 5. i 7. ovog člana ne može se ugroziti radno-pravni status zaposlenika koji su primljeni u radni odnos na neodređeno vrijeme u toj školi putem javnog konkursa.

Izuzetno, ako se po okončanju konkursa ne bude mogao izabrati kandidat, direktor škole može angažovati lice na poslove instruktivne nastave za pripremanje učenika za polaganje razrednog ispita.

Angažovanje lica iz stava 4. se vrši u svojstvu zaposlenika na određeno vrijeme, odnosno na period do kraja polugodišta, u skladu sa kriterijima koje donosi ministar.

Radno-pravni status zaposlenika škola čiji je osnivač Skupština Kantona koji je ostao djelimično ili u cjelosti bez poslova i radnih zadataka u školi, rješava se u skladu sa ovim zakonom i

Programom zbrinjavanja zaposlenika za čijim je radom prestala potreba, kojeg donosi Vlada Kantona, na usaglašeni prijedlog sindikata i Ministarstva.

Škola čiji je osnivač Skupština Kantona je dužna u skladu sa Pedagoškim standardima dostaviti Ministarstvu i sindikatu podatke o potrebama za popunom upražnjenih radnih mjesta, kao i podatke o zaposlenicima škole za čijim je radom djelimično ili u cjelosti prestala potreba na nivou škole.

Bliži propis o postupku, uslovima i kriterijima prijema zaposlenika donosi ministar.

Škola kao javna ustanova je dužna vršiti prijem zaposlenika u skladu sa propisom iz stava 8. ovog člana.“

**Član 28.**

Iza člana 72. dodaju se novi članovi 72a. i 72b., koji glase:

**„Član 72a.**

Zaposlenici škole kao javne ustanove u vršenju svojih zadataka dužni su se pridržavati principa utvrđenih u kodeksu za zaposlenike škole kao javne ustanove koji donosi Ministarstvo na prijedlog Pedagoškog zavoda.

**Član 72b.**

Zabranjuje se diskriminacija po bilo kojem osnovu u radu škole, u postupku zapošljavanja, napredovanja u poslu pod jednakim uslovima, obrazovanja, osposobljavanja i stručnog usavršavanja, uslova rada, te svake druge radnje koja predstavlja neki oblik direktne ili indirektno diskriminacije.“

**Član 29.**

U članu 73. iza stava 1. dodaje se novi stav 2., koji glasi:

„Osnovna škola je obavezna osigurati da zaposlenici škole izvrše sistematski pregled najmanje jednom u četiri godine u skladu sa kolektivnim ugovorom.“

U istom članu stav 2. mijenja se i glasi:

„Troškovi ljekarskog i sistematskog pregleda padaju na teret osnivača.“

U stavu 6. na kraju teksta tačka se zamjenjuje zarezom i dodaju se riječi „do izlječenja“.

Stavovi 2. do 6. postaju stavovi 4. do 7.

**Član 30.**

Iza člana 73. dodaju se novi članovi 73a., 73b. i 73c., koji glase:

**„Član 73a.**

U slučaju osnovane sumnje da je zaposleniku škole psihofizičko zdravlje narušeno u mjeri koja bitno umanjuje njegovu radnu sposobnost, direktor škole može donijeti odluku o upućivanju zaposlenika na ocjenu radne sposobnosti.

Na odluku o upućivanju zaposlenika na ocjenu radne sposobnosti nezadovoljni zaposlenik ima pravo podnijeti žalbu školskom odboru.

Odluka školskog odbora po podnesenoj žalbi je konačna.

Zaposlenik je obavezan na osnovu konačne odluke školskog odbora podvrgnuti se ocjeni radne sposobnosti.

Troškovi vezani za ocjenu radne sposobnosti padaju na teret škole.

Zaposlenik koji odbije izvršiti odluku iz stava 4. ovog člana, čini povredu radne obaveze.

Ako se ocjenom radne sposobnosti ovlaštene ustanove utvrdi da zaposlenik nije u mogućnosti uredno izvršavati obaveze u odgojno-obrazovnom radu zbog trajno narušenog psihofizičkog zdravlja, ponudit će mu se odgovarajući poslovi prema preostaloj radnoj sposobnosti, ako za to postoje uslovi.

**Član 73b.**

Za rad sa djecom nepodoban je zaposlenik škole koji je pravosnažnom presudom osuđen na kaznu zatvora za krivično djelo protiv ustavnog poretka, protiv čovječnosti i međunarodnog prava, protiv života i tijela, protiv dostojanstva lica i morala, protiv braka i porodice, protiv službene i druge odgovorne dužnosti osim ako je nastupila rehabilitacija po posebnom zakonu.

Licu iz stava 1. ovog člana, koje je pravosnažnom presudom osuđeno na izdržavanje kazne zatvora u trajanju dužem od šest mjeseci, otkazat će se ugovor o radu bez obaveze poštivanja propisanog ili ugovorenog otkaznog roka.

#### Član 73c.

Zaposlenik škole privremeno se suspenduje sa poslova i radnih zadataka koje vrši ako je protiv njega pokrenut krivični postupak za djela iz člana 73b. stav 1. ovog zakona, do okončanja krivičnog postupka.

Zaposlenik škole može se privremeno suspendovati ako postoje osnovi sumnje da je učinio krivično djelo iz člana 73b. stav 1. ovog zakona ili je protiv njega pokrenut disciplinski postupak za težu povredu radne dužnosti, do okončanja istražnog odnosno disciplinskog postupka.

Direktor škole donosi odluku o privremenoj suspenziji.

Tokom suspenzije zaposlenik ima pravo na iznos od 70% od svoje osnovne plate.

Zaposlenik ima pravo na punu naknadu svoje plate i druga prava po osnovu rada ako se utvrdi da nije odgovoran za težu povredu radne dužnosti niti za učinjenje krivičnog djela.

#### Član 31.

U članu 74. stavu 1. riječi „i korištenje godišnjeg odmora“, brišu se.

Stavovi 3. i 4. brišu se.

#### Član 32.

Iza člana 74. dodaje se novi član 74a., koji glasi:

##### „Član 74a.

Norma časova redovne nastave po predmetima utvrđena je Pedagoškim standardima.

Neposredni odgojno-obrazovni rad podrazumijeva časove redovne, izborne, fakultativne, dopunske, dodatne i instruktivne nastave, vrijeme za pregled pismenih zadaća, razredništvo, čas odjeljske zajednice, vođenje sekcije ili drugih oblika vannastavnih aktivnosti.

Izuzetno, ukoliko se po okončanju konkursne procedure nastava nije mogla stručno zastupiti niti se moglo angažovati lice na poslove instruktivne nastave, nastavnik može, po nalogu direktora, u toku jednog polugodišta, raditi iznad nastavne norme utvrđene Pedagoškim standardima do šest nastavnih časova sedmično.

Rad iz stava 3. ovog člana smatra se prekovremenim radom.

#### Član 33.

U članu 75. stav 3. mijenja se i glasi:

„Dužina trajanja godišnjeg odmora zaposlenika škole bliže se uređuje kolektivnim ugovorom i pravilnikom o radu škole.“

#### Član 34.

U članu 76. iza stava 1. dodaju se novi stavovi 2. i 3., koji glase:

„Stručnu pomoć nastavnicima za individualno i kolektivno stručno usavršavanje pruža Pedagoški zavod.

Katalog i program stručnog usavršavanja nastavnika donosi Pedagoški zavod.“

#### Član 35.

Član 77. mijenja se i glasi:

„Pripravnik je lice koje prvi put zasniva radni odnos u zanimanju za koje se obrazovalo radi stručnog osposobljavanja za samostalan rad.

Trajanje pripravnčkog staža, način osposobljavanja pripravnika, program stručnog ispita, imenovanje i sastav komisije za polaganje stručnog ispita, uslovi i način polaganja stručnog ispita, izdavanje uvjerenja o položenom stručnom ispitu i vođenju evidencije, uređuju se bližim propisom koji donosi Vlada Kantona.

Pripravniku iz stava 1. ovog člana, za puno radno vrijeme, pripada plata u iznosu 80% plate radnog mjesta za koje se osposobljava, kao i druge naknade koje nemaju karakter plate.“

#### Član 36.

U članu 79. stavu 1. riječi „mišljenju vijeća roditelja i vijeća učenika“, brišu se.

U istom članu stav 6. mijenja se i glasi:

„Stručno usavršavanje direktora, nastavnika, stručnih saradnika i saradnika, postupak ocjenjivanja rada, sticanje viših stručnih zvanja i vođenje dokumentacije, bliže se uređuje propisom koji donosi Vlada Kantona.“

#### Član 37.

U članu 82. stavu 1. riječi „Agencija za standarde i ocjenjivanje“ zamjenjuju se riječima „Agencija za predškolsko, osnovno i srednje obrazovanje BiH.“

#### Član 38.

Član 83. mijenja se i glasi:

„Stručni nadzor nad organizovanjem i izvođenjem nastave i drugih oblika odgojno-obrazovnog rada i radom nastavnika, stručnih saradnika i saradnika u osnovnim školama, radi unapređenja odgojno-obrazovnog rada, a u cilju dostizanja standarda uspjeha u učenju koje utvrdi Agencija za predškolsko, osnovno i srednje obrazovanje BiH, vrši Pedagoški zavod.

Pedagoški zavod obavlja poslove u okviru svoje nadležnosti utvrđene posebnim zakonom.“

#### Član 39.

Član 85. mijenja se i glasi:

„Nadzor nad provođenjem ovog zakona kao i nadzor nad cjelishodnošću propisa donesenih na osnovu ovog zakona kao i drugih općih akata donesenih na osnovu ovog zakona koje donose odgojno-obrazovne ustanove vrši Ministarstvo.

Inspekcijski nadzor nad radom odgojno-obrazovnih ustanova vrši nadležna inspekcija.“

#### Član 40.

U članu 87. stav 3. mijenja se i glasi:

„Tri člana školskog odbora imenuju se kao predstavnici osnivača, jedan član se imenuje iz reda nastavnika i stručnih saradnika zaposlenih u toj školi a jedan član se imenuje iz reda roditelja učenika koji nemaju status zaposlenika te škole.“

U istom članu u stavu 15. riječi „sadržaju i načinu rada“ zamjenjuju se riječima „uslovima i kriterijima izbora i imenovanja.“

#### Član 41.

U članu 88. iza stava 2. dodaju se novi stavovi 3. i 4., koji glase:

„Stručnu i edukativnu podršku članovima školskog odbora pruža Pedagoški zavod na osnovu programa obuke školskih odbora.

Program obuke školskih odbora na prijedlog Pedagoškog zavoda donosi Ministarstvo.“

#### Član 42.

U članu 89. stav 2. mijenja se i glasi:

„Za direktora osnovne škole može biti imenovano lice koje pored općih uslova ispunjava i uslove za nastavnika ili pedagoga osnovne škole, ima najmanje višu stručnu spremu VI stepen stručne spremlje ili ekvivalent i najmanje pet godina radnog staža poslije sticanja odgovarajuće stručne spremlje na poslovima nastavnika ili pedagoga škole, a naročito se ističe svojim radom u pedagoškoj teoriji i preksi.“

#### Član 43.

Iza člana 89. dodaje se novi član 89a. koji glasi:

##### „Član 89a.

Za direktora osnovne škole ne može biti imenovano lice:

- koje je, u skladu sa članom 73b., nepodobno za rad s djecom,
- na koje se odnosi član IX.(1.) Ustava Bosne i Hercegovine,
- koje je član izvršnih organa političkih stranaka,
- koje ima direktan finansijski ili drugi lični interes u školi u kojoj se kandiduje koji bi mogao dovesti do sukoba

- interesa sa njegovom dužnošću direktora,
- kojem je u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
- koje je zbog svoje krivice bilo razrješeno dužnosti direktora neke od odgojno-obrazovnih ustanova.“

**Član 44.**

Član 90. mijenja se i glasi:

„Škola koja ima status javne ustanove dužna je, na osnovu odluke školskog odbora, objaviti konkurs za direktora škole najkasnije tri mjeseca prije isteka mandata direktora.

Konkurs iz stava 1. ovog člana objavljuje se u dnevnom listu, dostavlja se Službi za zapošljavanje Tuzlanskog kantona radi isticanja na oglasnoj ploči, te istovremeno istiche na oglasnoj ploči škole.

Izbor najpovoljnijeg ponuđača za objavu konkursa iz prethodnog stava provodi Ministarstvo po posebnom ovlaštenju Vlade Kantona, putem zajedničke javne nabavke za sve osnovne škole čiji je osnivač Skupština Kantona.

Istovremeno sa objavom u dnevnom listu osnovna škola koja ima status javne ustanove dužna je dostaviti tekst konkursa Ministarstvu radi objave na web stranici.

Konkurs za direktora osnovne škole koja ima status javne ustanove sadrži uslove iz članova 89. i 89a. Zakona, trajanje konkursa, postupak i trajanje izbora kandidata i način obavještanja kandidata o rezultatima konkursa.

Kandidat za direktora osnovne škole koja ima status javne ustanove, uz prijavu na konkurs, dostavlja i svoj program rada i razvoja škole za period na koji se imenuje.

Nakon provedene procedure konkursa školski odbor sačinjava listu kandidata za imenovanje direktora škole koji ispunjavaju uslove konkursa.

Školski odbor je dužan, na listu kandidata iz prethodnog stava, pribaviti stručno mišljenje Pedagoškog zavoda i prethodnu saglasnost osnivača.

Prethodnu saglasnost na listu kandidata za imenovanje direktora škole, čiji je osnivač Skupština Kantona, daje Ministarstvo.

Lice koje nije dobilo saglasnost Ministarstva ne može biti imenovano za vršioca dužnosti direktora, niti na ponovnom konkursu biti imenovano za direktora škole koja ima status javne ustanove.

Direktora osnovne škole koja ima status javne ustanove imenuje školski odbor sa liste kandidata na koju je saglasnost dalo Ministarstvo.

Isto lice može biti imenovano za direktora osnovne škole koja ima status javne ustanove, najviše dva puta u istoj školi.

Ukoliko je član školskog odbora ujedno i kandidat za direktora iste škole ne može odlučivati o imenovanju direktora škole.

Odluka školskog odbora o imenovanju direktora je konačna.

Zaposleniku koji je imenovan za direktora osnovne škole, škola u kojoj je bio zaposlen na neodređeno vrijeme dužna je, na njegov zahtjev, osigurati mirovanje prava i obaveza iz radnog odnosa, a najduže četiri godine od dana imenovanja.

Kriterije na osnovu kojih Pedagoški zavod daje stručno mišljenje, Ministarstvo saglasnost a školski odbor imenuje direktora osnovne škole čiji je osnivač Skupština Kantona donosi Ministarstvo, uz prethodnu saglasnost Vlade Kantona.“

**Član 45.**

U članu 92. stavu 1. iza alineje 3. dodaje se nova alineja 4., koja glasi:

„- obustavlja od izvršenja akt školskog odbora koji je u suprotnosti sa ustavom ili zakonom kao i pojedinačni akt kojim se nanosi šteta školi ili društvenoj zajednici“.

Alineje 4. i 5. postaju alineje 5. i 6.

**Član 46.**

U članu 94a. stavu 1. iza riječi „Pedagoški zavod“ dodaje se zarez i riječi „nadležna inspekcija“.

**Član 47.**

U članu 96. stavu 2. iza riječi „potrebno“ stavlja se tačka, a ostatak teksta briše se.

**Član 48.**

U članu 97. stavu 2. riječi „ili druge zainteresovane strane“, brišu se.

**Član 49.**

U članu 101. stavu 2. na kraju alineje 17. briše se slovo „i“ i stavlja zarez, te se dodaju nove alineje 18. i 19., koje glase:

„- donosi odluku o prihvatanju plana stažiranja i imenuje mentora pripravniku,

- prihvata izvještaj mentora o realizaciji plana stažiranja pripravnika.“

Dosadašnja alineja 18. postaje alineja 20.

**Član 50.**

U članu 110. stavu 1. tačka 14. mijenja se i glasi:

„14. ako postupi suprotno odredbama člana 72.“

Iza tačke 14. dodaju se nove tačke 15. i 16., koje glase:

„15. ako postupi suprotno odredbama člana 90.;

16. ako vrši opterećenje nastavnika suprotno članu 74a.“

Dosadašnja tačka 15. postaje tačka 17.

Iza tačke 17. dodaje se nova tačka 18., koja glasi:

„18. ako ne obustavi od izvršenja akt školskog odbora koji je u suprotnosti sa ustavom ili zakonom kao i pojedinačni akt kojim se nanosi šteta školi ili društvenoj zajednici, u skladu sa članom 92.“

**Član 51.**

U članu 111. stavu 1. tački 6. iza riječi „ljekarski“ dodaju se riječi „i sistematski“ te se u zagradi iza broja „1.“ dodaje „i 2.“.

**Član 52.**

U članu 118. stavu 1. riječi „od I. do IV. razreda osnovne škole“ brišu se.

**Član 53.**

Ministar će u roku od 90 dana od dana stupanja na snagu ovog zakona donijeti bliži propis o postupku, uslovima i kriterijima prijema zaposlenika iz člana 72. stav 8. ovog zakona.

**Član 54.**

Vlada Kantona će u roku od šest mjeseci od dana stupanja na snagu ovog zakona donijeti:

- bliži propis o stručnom usavršavanju direktora, nastavnika, stručnih saradnika i saradnika, postupku ocjenjivanja rada, sticanju viših stručnih zvanja i vođenju dokumentacije iz člana 79. stav 6. ovog zakona;

- bliži propis o trajanju pripravnčkog staža, načinu osposobljavanja pripravnika, programu stručnog ispita, imenovanju i sastavu komisije za polaganje stručnog ispita, uslovima i načinu polaganja stručnog ispita, izdavanju uvjerenja o položenom stručnom ispitu i vođenju evidencije iz člana 77. ovog zakona.

Ministarstvo će u roku od šest mjeseci od dana stupanja na snagu ovog zakona donijeti:

- program obuke školskih odbora iz člana 88. stav 3. ovog zakona;

- kriterije na osnovu kojih Pedagoški zavod daje stručno mišljenje, Ministarstvo saglasnost a školski odbor imenuje direktora osnovne škole iz člana 90. stav 16. ovog zakona.

**Član 55.**

Pedagoški zavod će u roku od šest mjeseci od dana stupanja na snagu ovog zakona donijeti katalog i program stručnog usavršavanja nastavnika iz člana 76. stav 3. ovog zakona.

**Član 56.**

Postupci imenovanja predsjednika i članova školskog odbora koji su započeti prije stupanja na snagu ovog zakona obustavit će se. Danom stupanja na snagu ovog zakona predsjedniku i